



**Clavis Aurea Thesauri Partheno-Carmelitici, Sive
Dissertatio Historico-Theologica, Referans atque
Exponens Antiquitatem & originem, confirmationem ac
propagationem, beneficia ac privilegia, gratias & ...**

Paulus <Ab Omnibus Sanctis>

Viennæ Austriæ, 1669

Cap. I. Quidnam Parthenijs Sodalibus faciendum sit, ut frui valeant
singularissimo beneficio, de quo in prima hujus Operis Parte actum est?

[urn:nbn:de:hbz:466:1-64293](https://nbn-resolving.org/urn:nbn:de:hbz:466:1-64293)

pro illorū
fruitione
requirun-
tur ab illis
opera, &
munia.

sis, aut concedendis, alia pro illis, quæ à Sede Apostolica collata sunt. Illa enim omnia, & singula non distinxisse, non modicam cau-
savit, in assignandis Confratrum obligationibus, apud quosdam de hoc argumento scribentes, confusionem, & in ipsis Confratribus mi-
nus perfectam suorum munerum cognitionem.

CAPUT I.

*Quidnam Parthenijs sodalibus faciendum sit, ut frui
valeant singularissimo illo beneficio, de quo in prima huius
Operis Parte actum est?*

365.



AD gaudendum eximio illo beneficio ac privilegio, de quo in prima huius Operis Parte actum est, quodque continetur illis DEIPARÆ Virginis verbis, quibus nostrum S. SIMONEM, sacrum ei SCAPULARE præbendo affata est, comprehenditque specialissimam SS. Virginis tutelam ac protectionem, pro totius quidem vitæ decursu, maximè verò pro ejus termino, seu morte, cujus ope Mariani Sodales singularibus donantur gratiis, atque à variis tum animæ, tum corporis liberantur periculis; ad gaudendum, inquam, hoc privilegio requiritur, ut quis SCAPULARE benedictum ab aliquo Ordinis nostri Prelato, vel ab illo potestatem habente, ritè ac legitime suscipiat, nomenque ejus Confraternitatis libro inscribatur. Ita constat ex variis Pontificum Bullis, & Constitutionibus Ordinis ann. 1625. Part. 4. Cap. 28. num. 7. quæ ita statuunt: ut quis autem inter Confratres ritè & legitime sit receptus, duo sunt necessaria: alterum, ut in libro Confraternitatis describatur: alterum, ut Scapulare benedictum ab aliquo Superiore Ordinis, vel ab habente ab illo facultatem recipiat.

Quid requi-
ratur, ut
quis cen-
seatur le-
gitimus
Confrater
hujus no-
stri Soda-
litij?

366.

Quando,
& quomo-
do gestan-
dum sit sa-
crum Sca-
pulare?

PRÆTEREA requiritur, ut sacrum SCAPALARE, tanquam Re-
ginæ Cali insigne, ob ejus amorem & honorem, religiosè & devotè, semper & con-
tinuò, noctu, diuque gestetur; quo sic sese ejus obsequio specialiter man-
cipatos esse jugiter recordentur. Quod desumitur ex illis sanctissimæ
Virginis verbis, in quo quis moriens &c. Ex quibus liquet, quod & reci-
pi, & noctu, diuque gestari debeat sacrum hoc Schema, ut in eo mo-
ri quis valeat: cum incertum planè sit, quo loco, ac tempore mori
nos sit invasura. Nec etiam videtur probabile, datam à beatissima
Virgine

Virginē vestem, alio consilio, quā ut ea indutus, continuō singularis hujus beneficij nunquā sit immemor, ut sic promissam mereatur protectionem, atque jugiter perpendat, Reginæ Angelorum se obsequio esse consecratum.

Dixi Religiosè & devotè Marianam hanc vestem continuō esse gestandam: quia non sufficit nudè, materialiter ac physicè illam gestare. Quod ut facilius ac plenius percipiatur recolendum hic est breviter, quod suprā 1. Part. cap. 10. num. 56. fusis exposuimus, quod in SCAPULARI tria concipere valeamus. Primò materiam & formam ejusmodi vestis, quod quid *Physicum* appello. Secundò, signum Carmelitici fœderis cum beatissima Virgine, quod apello *Morale* in ea veste *physica*. Tertio, debitum ex tali fœdere obsequium, quod apello *debitum ritum*.

Qui primo modo gerit Scapulare, is solùm *physicè*: qui primo & secundo modo, is *physicè & moraliter*: denique qui tribus modis enumeratis, is *physicè, moraliter & ritè* gestat Scapulare, dicendusque est satisfecisse pacto, cui sua ex parte non deerit DEIPARA.

Quæres, quodnam sit istud debitum obsequium adeò necessarium, ut eo præstito, *ritè*: eo non præstito, *non ritè* dicatur aliquis gestasse Scapulare?

Respondeo debere gestari 1. *Animo benè in SS. Virginem affecto*. 2. *Exercendo bona quedam opera in honorem ejusdem DEIPARÆ Virginis*. PRIMUM ex natura sua certum est & evidens. SECUNDUM colligitur ex verbis ipsius B. SIMONIS apud Swanynghonum. *Fratres, conservando verbum istud in cordibus vestris, satagite electionem vestram certam facere per bona opera, & nunquam deficere: vigilate in gratiarum actione, pro tanta misericordia, orantes sine intermissione, ut sermo mihi factus clarificetur, &c.* idem sentit Lezana *Lib. de patron. B. M. V. Cap. 5.* & Irenæus *lib. cit. sect. 1. cap. 3. §. 3.* cum cæteris Ordinis authoribus. Et jure merito; dona namque DEI non conferuntur otiosis, nec verus est contractus, ubi mutua non est obligatio. Nemo, inquit Ambrosius, *sanatus ostenditur, nisi qui religioso officio studuit sanitati. Non enim dormientibus divina beneficia, sed observantibus deferuntur, &c.*

Si vero ulteriùs inquiras, quænam sint ista opera? Respondeo, DEIPARAM Virginem nulla in singulari assignasse, dum B. SIMONI apparuit, sacrumque SCAPULARE contulit, ac pro-

Scapulare debet gestari, *physicè, moraliter & ritè*: *physicè*, ut pannus: *moraliter*, ut signum fœderis cum SS. Virgine: *ritè*, præstando debitum B. Virg. obsequium?

367.

In quo potissimum consistat hoc debitum obsequiū?

Lib. 4. in 4 Cap. Lucæ.

Quænam pia opera requirantur?

M m m

pterea

pterea id pendere uniuscujusq; ab arbitrio, quoad hunc sacri SCAPULARIS effectum. Dico *quoad hunc*, nam pro lucro Sabbatini privilegij, aut aliarum indulgentiarum, determinata sunt opera, ut diximus jam in præcedentibus, dicemusque uberius in subsequen-
 368.

NON defuere, qui censuerunt, ad gaudendum singulari tutela DEIPARÆ Virginis, tam in temporalibus, quam in spiritualibus necessitatibus, ac periculis, S. SIMONI nostro divinitus promissa, necessariò requiri observantiam omnium illarum conditionum atque munerum, quæ exiguntur ad fruendum privilegio Bullæ Sabbatinæ: at hoc voluntariè omninò, sineque ratione dictum videtur. Hoc ut demonstraretur, supponendum est *primò*: præfatam Partheniam tutelam, ac specialissimam protectionem multum differre ac discrepare à privilegio Bullæ Sabbatinæ, non solum, quia diversis temporibus promissa, seu concessa sunt hæc beneficia, verum etiam, quia in seipsis diversæ valde, distinctæq; sunt gratiæ, ut penitus utrasq; dependenti patebit: ideoq; Authores passim duo hæc beneficia, ac privilegia semper distinguere solent.

Supponendum *secundò*, obligationes ac conditiones pro obtinendo Bullæ Sabbatinæ effectu, tunc primum fuisse designatas ac manifestatas, quando privilegium hoc à sanctissima Virgine divinitus revelatum fuit JOANNI XXII. Pontifici: ut satis inde colligi videtur, quod ante tempora hujus Pontificis, nulla prorsus in illis, de hoc Carmeleo Sodalitio, Pontificiis Diplomatum, aut aliis de hoc argumento scribentibus Authoribus, harum conditionum sive obligationum mentio habeatur.

369. H I S suppositis, probatur non esse necessariò observanda illa omnia munera, quæ pro Bullæ Sabbatinæ gratia consequenda exiguntur, ad fruendum præfata DEIPARÆ Virginis tutela.

Suadetur 1. Constat ex authenticis, probatisque Historiis permultos mox post datum S. SIMONI Stock parthenio Scapulari, & longè ante editam Bullam Sabbatinam, specialissimam hanc, promissamque eidem B. SIMONI protectionem Virgineam, tam in corporalibus, quam spiritualibus morbis ac malis divinitus sensit, ac promeruisse, sed tunc ad illam non requirebatur à Confratribus recitatio officij, aut abstinencia à carnibus &c. utpotè, quorum obligatio primum inducta fuit per Bullam Sabbatinam &c. Ergo sicut
 tunc

tunc frui potuerunt speciali illa DEIPARÆ tutela sine horum obser-
vatione, ita & nunc poterunt post Bullæ Sabbatinæ promulga-
tionem.

II. Referunt eadem Historiæ, complures, qui in vita haud gesta-
rant sacrum Scapulare, illud in lethali primùm morbo, aut sub mortē
petiisse ac suscepisse, quo vel sic præfatæ Partheniæ tutelæ, illo adhuc
tempore, participes fierent: sed tunc impotentes erant ad recitan-
dum præscriptum Officium & cæt. præsumendum igitur, tam illos,
qui eo tempore sacerrimum hunc habitum conferebant, quàm illos,
qui eundem recipiebant sensisse, ac iudicasse, has condiciones pro hac
singulari tutela ac protectione obtinenda minimè necessarias esse.

III. Ponamus sanctiss. Virginem, aut non concessisse privile-
gium Bullæ Sabbatinæ, aut aliud pium opus, diversum à præscripta
recitatione Horarum canonicarum, aut abstinencia &c. statuisse atque
exegisse pro illius effectu consequendo. Hac hypothefi data, in tali
casu non fuisset necessaria prædicta recitatio, aut abstinencia &c. pro
illo privilegio obtinendo, ergò nec modo necessaria erit. Ita
discurrit nuperus quidam Scriptor, ad probandum minimè esse obli-
gatorium, aut necessarium, ad gaudendum specialissima S. SIMONI
nostro à DEIPARA Virgine promissa protectione, cunctisq; eidem
connexis beneficijs, observari illa omnia, quæ pro Bullæ Sabbatinæ
gratia consequenda exiguntur: sed nobis sufficiat, nec ipsam sanctiss.
Virginem, nec ullum summum Pontificem, aut Ordinis Prælatos
his condiciones, aut munera à Confratribus pro hac, de qua nunc
differimus gratia, exegisse aut postulasse. Quare non apparet, undè
hæc, quam tales imponunt, obligationem, oriatur, & vim legis
obteneat.

POSSET tamen in favorem præfatæ, & à nobis rejectæ senten-
tiæ, quis objicere ac dicere: si hæc ita sese habeant, sequetur majus
onus, atque difficilius munus imponi, & exigi pro minori beneficio
obtinendo, quod videtur inconueniens, & rationi dissonum.
Nam etsi tutela & protectio specialis à beatissima Virgine divinitus
promissa, minus bonum cenferi possit, respectu necessitatum tempo-
ralium, quàm adjutorium animabus in purgatorio promissum;
attamen tutela illa longè majus bonum est respectu necessitatum spiri-
tualium hujus vitæ, quàm prædictum adjutorium, uti conferenti u-

370.

Quodnam
censendum
sit majus
beneficiū?

M m a

trumq;

trumq; constabit. Sed pro tutela illa solam gestatio Scapularis assignatur; pro adjutorio autem in purgatorio plura alia graviora præscribuntur, ergò &c.

Quænam
bona con-
tineantur
in promif-
sione facta
S. Simon?

Antequam huic objectioni satisfaciamus, animadvertendum est, beatissimam Virginem in prima revelatione non promississe liberare aliquem ex inferno, sicut JOANNI XXII. promissit eripere Confratres è purgatorio, sed pollicita est juvare Confratres in hac vita, in temporalibus quidem, sed præsertim in spiritualibus; ut videlicet multa spiritualia bona adipiscantur; maxime verò, ut in gratia DEI vivant, aut ut amissam recuperent, in eaq; decedant, ne aeterno incendio adjudicentur &c.

371.

Quænam
observanda
sint ad illis
fruendum?

HIS præmissis respondetur, videri quidem à B. Virgine gravius onus imponi in actu signato, expressè & explicitè pro minori bono & beneficio: attamen in actu exercito, & implicitè longè aliter rem sese habere. Noverat namque sanctissima Virgo, ad obtinenda primæ revelationis promissa bona (v. g. augmentum gratiæ, conservationem & perseverantiam in ea, sanctam mortem, aliq; ejusmodi beneficia, ad quæ omnia B. Virgo operam suam pollicita est) fuisse cuilibet media assignata opportuna ac convenientia, scilicet DEI atq; Ecclesiæ præcepta: noverat posse quemlibet per horum se observationem juvare &c. Idcirco non judicavit aliud assignandum, nisi quemq; ad hanc observantiam provocare, promoverè, urgere, opem suam offerendo ac pollicendo. Undè in actu exercito, & implicitè prædicta omnia, ipsa quoque assignare, & exigere censetur. Hæc autem longè sunt plura, & graviora, quàm sint ea, quæ ad privilegium Sabbatinum requiruntur. Suam verò singularis auxiliij ac tutelæ promissionem, seu curam specialem, qua semper Confratribus adest, censuit sufficienter compensari speciali, reciprocoq; in se affectu, quem per Confraternitatis suæ ingressum, & assumptionem, ac continuam, devotamq; sui facerrimi habitus gestationem, ceteraque, quibus ut supra insinuavimus, DEIPARA colitur, assatum Sodales protestantur, &c. Absolutè itaque & simpliciter gravius onus in prima, quàm in secunda revelatione, seu promissione assignatur: sive difficilius munus exigitur, & requiritur pro obtinenda gratia seu privilegio S. SIMONI nostro, quàm JOANNI Pontifici promisso.

Respondetur *secundò*, dato & non concesso, levius onus pro be-

neficio

beneficio primæ revelationis, gravius pro beneficio secundæ revelationis assignari, & exigi, hoc tamen non esset inconveniens. Nam ad servanda præcepta DEI & Ecclesiæ possunt Confratres per liberum arbitrium, opitulante Divina gratia, semetipsos adjuvare: at in purgatorio nullatenus valent semetipsos animæ juvare, aut liberare; adjutorium enim & subsidium, quod piissima Virgo Mater pro illo promisit, totum & totaliter ab ipsa præstandum est, ideò in hac vita Confratres illud per onus impositum promereri debent.

CUM autem superius dixerim, ad ritè gerendum sacrum SCAPULARE, necessarium esse illud gerere, & animo in sanctissimam Virginem optimè affecto, & exercenda bona quædam opera in ejusdem honorem, consultum admodum videtur, atque rationi congruum, ut ea Confratres virtutum opera exercent, quæ propria Confraternitatis censentur: puta Castitatem colere, Horas, atque alias preces B. Virginis recitare, sacras ejusdem Festivitates singulari cultu concelebrare, peccatorum confessione, SS. Eucharistiæ perceptione &c. Ecclesias Ordinis frequentare, abstinentiam præscriptam observare, & his similia. Quæ tamen omnia determinatè sumpta, tanto cum rigore exigenda non sunt hæc in parte, quanto in Sabbatina, atque alijs indulgentijs. Ratio hujus est, quod ijs locis expressè sint præcepta: hic verò minimè, sed pro ijs alia possunt exerceri: atq; hoc sensu exponit supracitatum P. Lezanam *loc. supracit. C. 5. num. 12.* P. Irenæus à S. Jacobo *sect. 1. Cap. 3.*

372.

CAPUT II.

Quanam requirantur à Confratribus, ut privilegio Sabbatino participes reddantur?

VT Confratres nostri maximo illo, & nulli alteri Confraternitati communi privilegio, Bullæ scilicet Sabbatinæ, de quo uberius in *secunda hujus Operis parte* disseruimus, perfrui valeant, requiruntur, præter tria illa superiori Capite indicata, videlicet *Scapulare benedictum, modo supra tradito, suscipere, & cominud ad collum gerere, atque Confraternitatis albo nomen dare, hæc duo.*

373.

M m 3

PRI-